

三水縣志卷之四

禮樂

朝賀

祭祀

鄉飲酒禮

昔司馬遷作史記有禮書樂書厥後史家因其體例合志禮樂王者治定制禮功成作樂爰以昭一代損益之宜爲移風易俗之根柢非邑宰令長事也然一邑之典常實天下之通義凡所以治人神和上下理明格幽其致一也我

皇上中和建極兼綜條貫禮至正而樂大成涵煦節宣融液周徧薄海內外咸臻明脩蓋天下之太平久矣舊志止載禮制而於樂則缺焉未脩亦珥筆之

三水縣志

卷之四

禮樂

一

憾也禮樂相須爲用今悉爲脩載謹按

令甲以彰制度以紀聲容志禮樂

朝賀

恭遇

萬壽聖節

是日五更文武各官衣朝衣齊赴

萬壽宮分文武西入各至朝房設糾儀官二員一文官立東偏丹墀下一武官立西偏丹墀下禮生四名稟鼓二鼓三鼓行禮引至各拜位通贊唱序班行三跪九叩首禮畢仍各回朝房少坐而退

前後三日

俱蟒衣
坐班

恭遇

皇太后萬壽令節

皇后千秋令節

儀注與慶賀

萬壽同 惟先後期不坐班

恭遇 元旦及 冬至令節慶賀儀注與慶賀

萬壽同

恭遇

欽頒詔書凡

三水縣志

卷之四

禮樂

二

詔使恭賚

詔書至本地官員衣朝衣具

龍亭彩輿儀仗鼓樂出郭外肅迎

詔使捧

詔書置

龍亭中南向

詔使立于亭東本地官員北向行三跪九叩首禮衆官
及鼓樂前導

詔使隨亭後行至公庭門外衆官先趨入文武分東西

序立候

龍亭至公庭中

詔使立

龍亭之東西向贊禮官通贊序班文官在東武官在西樂作行三跪九叩首禮

詔使捧

詔書授展讀官展讀官跪受詣開讀案前宣讀衆官皆跪宣讀畢行三跪九叩首禮展讀官捧

詔書恭授

詔使使捧

詔書授知縣知縣授執事者

三水縣志

卷之四

禮樂

三

膳黃退易服與使行禮

恭遇每月朔望宣講

聖諭十六條

每月朔望擇寬潔公所文武官衣蟒衣齊集禮生唱排班行三跪九叩首禮畢退班至講所軍民人等環列肅聽禮生唱恭請開講司講生詣香案前跪恭捧

上諭登臺木鐸老人捧

上諭牌出并振木鐸跪宣讀畢禮生唱請宣講

上諭第一條司講生宣讀

聖諭廣訓講畢復講

欽頒律例按次宣講各如前儀

上官

衣朝衣由東門入至 城隍廟更蟒服行二跪六叩首禮畢更朝衣由察院街至正衙祭儀門行二跪六叩首禮畢從中道詣露臺望

闕謝 恩及拜 敕印俱行三跪九叩首禮畢坐公座排衙僚屬叅謁退堂奠安廨舍出行香於

各廟

行香

三水縣志

卷之四

禮樂

四

每月朔望行香詣

文廟

文昌廟

武廟 以上三跪九叩首禮

城隍廟 二跪六叩首禮

土地祠 一跪三叩首禮

祭祀

文廟

每歲春秋仲月上丁日致祭每歲八月二十七

按漢高帝過魯以大牢祀孔子歷晉唐宋元
代有尊崇至明洪武十五年詔天下儒學通祀
孔子頒釋奠儀二十六年頒大成樂器于天下
國朝崇祀孔子禮樂文比前代尤為詳備康
熙二十年頒學宮祭禮尊聖崇儒之道於斯
極矣

正殿

祭器 詳學校

祭品

帛一 白色 牛一 羊一 豕一

登一 鉶二 簋四 簋四

三水縣志

卷之四

禮樂

五

籩十 豆十 酒罇一 白磁爵三

四配

祭品

帛四 白色 豕一 羊一 鉶各一

簋二 簋二 籩八 豆八

酒罇一 白磁爵三

十二哲

祭品 東六位

帛一 白色 豕一 鉶各一 簋各一

簋各一 籩各四 豆各四 豕首一

白磁爵三

十二哲

西六位祭品與東六位同

東廡

先賢與先儒姓氏詳載學校祀典

祭品

帛一 白色

豕三

簋一

簋一

簋簋每案一

籩四

豆四

銅爵各一

西廡祭品與東廡同

儀注

每遇丁祭預日辰刻教官委生員二名穿公服鼓樂前導恭送祝文綾帛赴縣正衙門至二堂安置

三水縣志

卷之四

禮樂

六

案上承祭官穿禋服恭閱祝文僉名印帛畢仍交該生等恭送回學在正殿安設行一跪三叩首禮退已刻稟請承祭官穿禋服同分獻各官詣明倫堂觀演禮樂畢禮生引承祭官分獻官詣省牲所行省牲禮監視宰牲庶毛血畢即回至正祭日五鼓承祭官穿朝服不開導至學官戟門外坐候齊少坐俟陳設畢通贊唱起鼓啟門禮生引糾儀官先行三跪九叩首禮畢至糾儀位立引贊生引承祭官同文武各官俱至大成門內立引贊引承祭官至盥洗所盥洗授巾畢引至臺階下立分獻官

陪祀官分文武西各俱至臺階下立通贊唱樂
舞生各就列執事者各司其事承祭官就位陪祀
官分獻官各就位通贊唱迎神協律生唱樂奏昭
平之章樂作通贊唱承祭官陪祀官分獻官俱行
三跪九叩首禮興樂止通贊唱奠帛行初獻禮協
律生唱樂奏宣平之章樂作引贊唱陞壇引承祭
官詣酒罇所司罇者舉幕酌酒凡進從東上退從西下詣
至聖先師孔子位前跪叩首獻帛獻爵叩首興詣讀
祝位立讀祝生至祝案左旁一叩首捧祝版跪引
贊唱跪通贊唱衆官皆跪樂暫歇引贊唱讀祝讀
畢讀祝生安置祝版於正案上一叩首退樂復作
通引齊唱行一叩首禮興贊引承祭官詣復聖
顏子位前跪叩首獻帛獻爵叩首興詣宗聖曾
子位前跪如前儀詣述聖子思子位前跪如前
儀詣亞聖孟子位前跪如前儀引贊引分獻官
詣東哲位前跪如前儀詣西哲位前跪如前
儀引贊引分獻官詣東廡位前跪如前儀詣
西廡位前跪如前儀各引贊引承祭官分獻官各
復位通贊唱行亞獻禮協律生唱樂奏秩平之章
樂作引贊引承祭官詣酒罇所司罇者舉幕酌酒

詣

至聖先師孔子位前跪叩首進爵叩首興詣四配如
前儀行分獻禮如初獻禮行各復位樂止通贊唱
行三獻禮協律生唱樂奏叙平之章樂作引贊各
引承祭官分獻官如亞獻禮行各復位樂止通贊
唱飲福受胙引贊引承祭官詣飲福受胙位引贊
唱跪飲福酒受福胙叩首興復位通贊唱徹饌協
律生唱樂奏懿平之章樂作徹訖樂止通贊唱送
神協律生唱樂奏德平之章樂作通贊唱承祭官
分獻官陪祀官俱行三跪九叩首禮興樂止通贊

三水縣志

卷之四

禮樂

八

唱捧祝捧帛各恭詣燎位各生俱至案前行一跪
三叩首禮捧起祝文在前帛次之俱由中階下送
至燎位通贊唱望燎舉望燎樂樂奏咸平後闋樂
作各官兩旁立俟祝帛過引贊引詣望燎位立祝
帛焚半樂止引贊唱禮畢退

樂器

詳學校志

樂章

迎神奏昭平之章 大春秋尺六 哉凡一 孔上六 子尺五 先尺六
覺凡上 先尺五 知上六 與凡一 天上六 地凡上 參尺五 萬尺六 世凡上 之
尺五 師尺五 祥尺五 徵凡上 麟凡一 紱上六 韻凡一 答凡上 金尺六 絲凡上

日一凡月上六既六尺揭尺五乾一凡坤上六清一凡夷六尺

初獻奏宣平之章 子六尺懷一凡明上六德尺五玉凡上振

一凡金六尺聲凡上生上六民一凡未凡上有尺五展一凡也上六大尺五

成上六俎尺五豆凡上千六尺古凡五春上六秋上六上尺五丁上六清

六尺酒凡上既一凡載六尺其一凡香上六始一凡升六尺

亞獻奏秩平之章 式六尺禮一凡莫上六愆尺五升凡上堂

尺五再一凡獻尺響凡上協尺五鼗一凡鏞上六誠尺五孚凡上壘尺五

甗六尺肅尺五肅尺五雍上六雍上六譽一凡髦六尺斯凡上彥六尺禮

尺上陶尺五樂一凡淑上六相尺五觀上六而一凡善六尺

終獻奏叙平之章 自上尺古一凡在上五昔尺六先凡上民

三水縣志

卷之四

禮樂

九

尺五有一凡作上六皮尺五弁尺上祭一凡菜六尺於凡上論尺五思上六

樂一凡惟尺五天凡上牖六尺民尺五惟一凡聖凡上時一凡若上六彝

尺五倫凡五攸凡上叙六尺至凡上今尺五木一凡鐸六尺

徹饌奏懿平之章 先六尺師一凡有上六言尺五祭尺六則

凡上受六尺福尺五四一凡海六尺鬯尺五宮凡上疇一凡敢上六不一凡

肅六尺禮尺五成凡上告六尺徹尺五毋一凡疎上六毋一凡瀆六尺樂

尺五所凡上自一凡生六尺中尺五原上六有一凡菽六尺

送神奏德平之章 鳧六尺繹一凡峩上六峩尺五洙尺上泗

六尺洋一凡洋上六景凡上行尺五行尺五止凡六流一凡澤上六無尺五

疆上六聿尺五昭凡上祀一凡事六尺祀六尺事凡上孔一凡明一六化

六尺我_{尺五}蒸_{尺六}民_{凡上}育_{一凡}我_{上六}膠_{一凡}庠_{尺上}

祝文

乾隆九年部頒

惟先師德隆千古道冠百王歷亘古以常昭自
生民所未有屬教治文明之會正樂和禮節之時
辟雍鐘鼓咸恪薦於馨香泮水膠庠益致嚴於籩
豆今當仲秋春祇率彝章肅展微忱聿將祀典以
復聖顏子 宗聖曾子 述聖子思子 亞聖孟
子配尚享

崇聖祠

祭品

三水縣志

卷之四

禮樂

十

帛五白色

羊一

豕一

鉶一

簋二

簋二

籩八

豆八

酒罇一

白磁爵三

配位

祭品

帛二白色

豕首一

簋一

簋一

籩西

豆四

豕肉一

每位銅爵三

東廡西廡

先儒之父姓氏詳載學校祀典

祭品

帛二白色

簋一

簋一

籩四

豆四 豕肉一 每位銅爵三

儀注

每歲仲春秋月上丁日致祭分派教官承祭先期一

日儒學委生員恭送祝文綾帛同大殿祝帛赴縣

正衙門承祭官穿補服恭閱祝文簽名印帛畢同

大成殿祝帛仍交該生等恭送回學在後殿安設

行一跪三叩首禮畢至正祭日四鼓教官穿朝服

詣祠致祭引贊引承祭官詣盥洗所盥洗畢引至

拜位前立通贊唱執事者各司其事承祭官陪祀

官各就位又唱行三跪九叩首禮奠帛行初獻禮

三水縣志

卷之四

禮樂

十一

引贊引承祭官詣酒罇所司罇者舉幕酌酒詣

肇聖王位前跪獻帛進爵叩首興詣 裕聖王位

前跪如前儀詣 詒聖王位前跪如前儀詣 昌

聖王位前跪如前儀詣 啟聖王位前跪如前儀

詣讀祝位跪通贊唱衆官皆跪宣讀祝文畢通引

齊唱叩首興復位通贊唱行分獻禮引贊引分獻

官詣東配先賢位前跪獻帛進爵叩首興詣西配

先賢位前跪如前儀詣受胙位跪飲福酒受福胙

叩首興引贊引承祭官復位通贊唱徹饌送神行

三跪九叩首禮讀祝者捧祝司帛者捧帛恭詣燎

所衆官西向立俟祝帛過引贊唱詣望燎位衆官
至燎所看焚祝帛禮畢

祝文 乾隆九年部頒

惟 王奕葉鍾祥光開聖緒盛德之後積久彌昌
凡聲教所覃敷率循源而溯本宜肅明禋之典用
申守土之忱今屆仲春秋 聿修祀事以 先賢顏氏
曾氏孔氏孟孫氏配尚享

祭

文昌帝君

嘉慶六年奉行致祭

每歲以仲春初三日仲秋頒行祭日舉行祭禮

三水縣志

卷之四

禮樂

十二

祭品

帛一 白色 牛一 豕一 羊一

籩十 豆十

儀注

先期省牲祭日五鼓文武官衣朝衣不開導到廟
內少坐禮生稟請行禮唱啟鼓執事者各司其事
承祭官就位陪祭官就位詣盥洗所盥洗復位迎
神行三跪九叩首禮興行初獻禮承祭官詣神位
前跪獻帛獻爵叩首興跪讀祝文讀畢叩首興復
位行亞獻禮三獻禮與初獻禮同俟三獻禮畢復

位飲福受胙詣飲福受胙位跪飲福酒受福胙謝
胙叩首興復位徹饌送神行三跪九叩首禮興恭
詣燎所詣望燎位望燎復位禮畢

祝文

嘉慶七年部頒

惟神蹟著西垣樞環北極六匡麗曜協昌運之
光華累代垂靈爲人文之主宰扶正久彰夫感召
薦馨宜致其尊崇茲屆仲春秋用昭時祀尙其歆格
鑒此精虔

後殿

文昌帝君先代之神

三水縣志

卷之四

禮樂

十三

祭品

春秋二祭同

帛一 豕一 羊一 牛一 籩豆各八

儀注

祭日五鼓承祭官衣朝衣迎神送神俱行二跪六
叩首禮三獻禮及飲福受胙與正殿同

祝文

嘉慶七年部頒

祭引先河之義禮崇反本之思矧夫世德彌光延
賞斯及祥鍾累代炯列宿之精靈化被千秋綿人
文之主宰是尊後殿用答前庥茲值仲春秋肅將時
事用伸告潔神其格歆

祭

關帝廟

每歲春秋仲月頒行祭日及五月十三舉行祭禮

春秋二祭祭品

帛一 白色 牛一 羊一 豕一

籩十 豆十

五月十三日祭品

帛一 牛一 豕一 羊一

果五盤

儀注與祭 文昌帝君同

三水縣志

卷之四

禮樂

十四

祝文 乾隆九年部頒

惟 帝浩氣凌霄丹心貫日扶正統而彰信義威
震九州完大節以篤忠貞名高三國神明如在徧
祠宇于寰區靈應丕昭薦馨香于歷代屢徵異蹟
顯佑羣生恭值佳辰遵行祀典筵陳籩豆几奠牲
醪尚享

祭

後殿 雍正三年追封三代公爵

光昭公正中南向

裕昌公東一室南向

成忠公西一室南向

春秋二祭祭品及五月十三日祭品同

帛各一 豕各一 羊各一 籩豆各八

儀注與祭 文昌帝君後殿同

祝文 乾隆九年部頒

惟 公世澤貽庥靈源積慶德能昌後篤生神武
之英善則歸親宜享尊崇之報列上公之封爵錫
命優隆合三世以肇禋典章明脩恭逢諏吉祇事
薦馨尚享

祭

三水縣志

卷之四

禮樂

十五

社稷壇

周禮小司徒凡建邦國立其社稷以時祭祀白虎
通曰人非土不立非穀不食土地廣博不可徧也
五穀衆多不可一一而祭也故封土立社示有土
尊稷五穀之長故封社而祭之也其祭以每歲春
秋仲月上戊出主于壇而祭之

祭品

帛一 黑色 豕一 羊一 鉶一

籩四 豆四 簋二 簋二

儀注與祭 先農壇同 詳後

祝文 乾隆九年部頒

惟 神奠安九土粒食萬邦分五色以表封圻育
三農而蕃稼穡恭承守土肅展明禋時屆仲春秋敬
修祀典庶芘芘松栢鞏磐石于無疆翼翼黍苗佐
神倉于不匱尚享

祭

風雲雷雨

山川

城隍之神共一壇

山川之祭本王制也風雨之祭本周官大宗伯也

三水縣志

卷之四

禮樂

十六

命祀雷則唐天寶五年起也至明又加以雲而城
隍亦與焉俱用丁祭後一日上戊清晨出主于壇
而祭之

合祭風雲雷雨居中 帛四 山川居左 帛二

城隍居右 帛一俱 祭品儀注與 社稷同

祝文 乾隆九年部頒

惟 神贊襄天澤福佑蒼黎佐靈化以流形生成
永賴乘氣機而鼓盪溫肅攸宜磅礴高深長保安
貞之吉憑依鞏固實資捍禦之功幸民俗之殷盈
仰 神明之庇護恭修歲祀正值良辰敬潔豆籩

祇陳牲幣尙享

迎春祭

勾芒之神

立春預設土牛芒神春花彩仗前一日各文官朝

服迎春于東郊

今在西南街尾
陳太尉廟外

祭春行二跪六叩

首禮畢鼓吹迎春牛芒神回縣至立春日交春時

衣朝衣祭 勾芒神如前行禮畢各執綵仗環鞭

春牛者三

迎春祝文

惟 神職司春令位應蒼龍品類萌動生意咸通

三水縣志

卷之四

禮樂

十七

某 莅斯邑典禮宜崇仰祈 神佑輔我農功瑞呈

百穀共慶年豐尙享

鞭春祝文

惟 神職司春令位應蒼龍三陽開泰萬類萌通

某 黍牧茲邑典禮惟崇昨已齋肅迎神于東茲當

交節鞭春啟榮謹陳牲醴虔祭告誠共持綵杖策

牛勤行仰祈 神鑒佑我田氓俾登大有實奏豐

亨尙享

祭

先農壇耕藉田

壇在東教場左邊

每歲春三月吉亥日承祭官率各官請 神位供
于壇上衣朝衣行禮祭畢送位入祠

壇 高二尺一寸
廣二丈五尺 牌 高二尺四寸
廣六寸 座 高五寸
廣九寸五分

先農神位

朱地
金書

祭品

帛一 白色 羊一 豕一 鉶一

籩四 豆四 簋二 簋二

祝文

乾隆九年部頒

惟 神肇興稼穡粒我蒸民頌思文之德克配彼
天念率育之功陳常時夏茲當東作咸服先疇洪

三水縣志

卷之四

禮樂

十八

維

九五之尊歲舉三推之典 某 荼膺守土敢忘勞民謹

奉爨章聿修祀事惟願五風十雨嘉祥恒沐于神
庥庶幾九穗雙岐上瑞頻書于大有尙享

儀注

祭日辰候各官衣朝衣禮生稟請行禮唱搗鼓三
通執事者各司其事承祭官就位陪祭官就位詣
盥洗所盥洗復位迎神行三跪九叩首禮興行初
獻禮承祭官詣 神位前跪獻帛獻爵叩首興跪
讀祝文讀畢叩自興復位行亞獻禮三獻禮與初

獻禮同俟三獻禮畢復位飲福受胙承祭官詣飲
福受胙位飲福酒受福胙謝胙叩首興復位徹饌
送神行三跪九叩首禮興焚帛恭詣燎所望燎復
位禮畢各官更蟒衣不穿補服詣藉田行耕藉禮

耕藉儀注

農夫牽牛承祭官扶犁行九推禮一官捧青箱一
官播種禮畢更朝衣望

闕恭行三跪九叩首禮畢

藉田四畝九分 在東郊壇旁

農具 赤色 耕牛一 黑色 籽種箱一 青色

三水縣志

卷之四

禮樂

十九

農夫二名 牽牛 農童六名 唱耕藉歌

耕藉歌

聖朝鉅典念農祥吉亥修儀遍遠方開府奉行王制
美共知

天子重農桑

肅肅青壇翠幕張東風萬里布春陽海疆共愜深
耕願早進

先農一炷香

悠揚鼓吹出東方父老謹呼擁道旁乍見青紘躬
耒耜預占綠野富倉箱

獵獵青旗繞綠楊
珠瓔寶馬自成行
手携嘉種從容布
還似神仙跨五羊

短笠青簑映曉光
千夫齊向九推旁
一尊勞酒同沾被
遙浥

天田雨露香

杏花菖葉漫匆忙
海上班春別有方
時雨一犁新社後
木棉花赤菜花黃

朝成春水漲橫塘
榕樹村中短犢忙
趁取炎方禾再熟
新茶未出早分秧

海濱生計重開荒
儘把勤勞格

三水縣志

卷之四

禮樂

二十

上蒼遍鑿蘆洲成
沃土漲沙隨處湧
村庄

勸農恩禮倍尋常
竚見郊原歲歲穰
南陌東阡催社鼓
羔羊朋酒頌無疆

聖明天子重農桑
丹鳳銜書到海疆
擁節大臣宣德意
藉田開處麗春陽

六合清寧時雨暘
華星常正驗農桑
碧畦繡甸東郊暖
勤勸春耕答

包閭

先農壇畔集鸞凰
擇日占風禮數詳
北望

天田陳

御耦青旗高拂五雲光

青原小隊肅分行粵秀山前草木芳翻起一犁香
土軟田歌傳入水雲鄉

成羣簑笠盡村庄布穀聲中曉氣涼看罷九推歸
去早好乘新雨插新秧

課晴問雨莫嫌忙

黼座方披七月章要使耕夫齊舉趾并教媿婦競提筐
珠海潮生滿碧塘溉田早卜歲豐穰水車秧馬時
收拾容易秧禾壓隴長

和風甘露潤炎方紫荔紅蕉六月香瑞穀生成多

三水縣志

卷之四

禮樂

二十一

九穗先春玉粒貢

神倉

逢年爭祝滿倉箱萬寶成時好築場飽喫田中新
熟稻大家擊壤咏陶唐

雩祭

爲百穀祈膏雨乾隆九年奉文行常雩禮

每歲首夏照奉行頒祭日至期有司於山川社稷
壇致祭內祀社稷山川並祀風雲雷雨先農以祈雨澤

祭品儀注與山川社稷同

祝文

乾隆九年部頒

恭膺 詔命撫育羣黎仰體 彤廷保赤之誠勤

農勸稼俯惟蔀屋資生之本力穡服田令甲爰頒
肅舉祈年之典惟寅將事用伸守土之忱黍稷惟
馨尚冀明昭之受賜來牟率育庶俾豐裕于蓋藏
尚享

名宦祠

詳學校志

鄉賢祠

詳學校志

每歲春秋仲月上丁有司致祭

忠義祠

詳學校志

孝弟祠

詳學校志

祝文

部頒

三水縣志

卷之四

禮樂

二十二

維靈稟賦貞純躬行篤實忠誠奮發貫金石而不
渝義問宣昭表鄉閭而共式祇事懋彝倫之大性
摯我嵩克恭念天顯之親情殷棣萼楷模咸推乎
懿德綸恩特闡其幽光祠宇維隆歲時式祀用陳
樽簋來格几筵尚享

節孝祠

祝文

部頒

維靈純心皎潔令德柔嘉矢志完貞全閨中之亮
節竭誠致敬彰閩內之芳型茹水蘖而彌堅清操
自勵奉盤匝而匪懈篤孝傳徽絲綸特沛乎殊恩

祠宇昭垂於令典祇循歲祀式薦樽醪尙享

每歲春秋仲月次丁日學內致祭

鳳岡書院五賢 祀周二程朱張

汪公書院 祀知縣汪鼎金侯學詩教諭車廷輅

鄭公書院 祀知縣鄭玟

每歲春秋仲月次丁後一日致祭星洲

文閣

城隍廟 每歲七月二十四誕日有司致祭

軍牙六纛 每歲霜降日武官致祭

厲壇

三水縣志

卷之四

禮樂

二十三

每歲清明日七月望十月朔請 城隍之神出主
共祭榜無祀鬼神分祀之先期有牒文其牒文云
普天之下后土之上無不有人無不有鬼人鬼之
道幽明雖殊其理則一今國家治民事神已有定
制尙念冥冥之中無祀鬼神昔爲生民未知何如
而沒其間有遭兵刃而橫傷者有死于水火盜賊
者有被人取財而逼死者有被人強奪妻妾而死
者有遭刑禍而負屈死者有天災流行而疫死者
有爲猛獸毒蟲所害者有爲饑餓凍死者有因戰
鬪而殞身者有因危急而自縊者有因牆壁傾頽

而壓死者有死後無子孫者此等鬼魂或終于前代或没于近世或兵戈擾攘流移于他鄉或人烟斷絕久缺其祭祀姓名泯没于一時祀典無聞而不載此等孤魂死無所依精魄未散結爲陰靈或依草附木或爲妖作怪悲號于星月之下呻吟于風雨之中凡遇人間令節心思陽世魂杳杳以無歸身墜沉淪意懸懸而望祭興言及此憐其慘悽故 敕天下有司依時致祭命本處城隍以主此祭鎮按壇場監察此鬼神等類其中果有生爲良善誤遭刑禍死于無辜者神當達于所司使之還

三水縣志

卷之四

禮樂

二十四

生中國永享太平之福如有素爲兇頑身逃刑憲雖獲善終亦出僥倖者神當達于所司屏之四裔善惡之報神必無私欽奉如此今某等不敢有違謹以年月日于城西北設脩羹飯享祭本縣無祀鬼神等衆至日悉赴壇場普享一祭神欽承敕命鎮按壇場監察善惡無私昭報爲此合行牒請照驗欽此施行

齋戒

每歲遇

朝祭禮典前期齋戒遵 守例懸牌曉諭或三日或

二日或一日照常辦事不理刑名

每遇

忌辰雍正十三年定例敬設牌位于儀門不宴會不作樂不理刑名

祈雨儀注

禁止屠宰在 城隍廟注水盈缸內插柳枝設香案香蠟僧道各一班開壇誦經禮生二名各官衣素服步行至廟禮生引至拜位通贊生唱行一跪三叩首禮宣疏文畢再行一跪三叩首禮焚疏文禮畢俟雨水霑足酌 神

三水縣志

卷之四

禮樂

二十五

祈晴儀注

照禮部則例穿常服餘與祈雨同

日食救護儀注

凡遇日食預行所屬官司救護設香案于露臺擊金伐鼓設拜位于露臺上俱向日至期陰陽生報日初虧各官衣素服行三跪九叩首禮及報食甚穿素服禮生引至拜位前立禮生唱就位跪片時不用叩首興俟報復圓穿素服行三跪九叩首禮畢

月食救護儀注與日食同

查舊例初虧食甚穿素服復圓穿朝服今奉行初虧食甚復圓俱穿素服

鄉飲酒禮

明洪武初年詔歲孟春冬有司與學官帥鄉老行於學校十六年始定制歲以正月望十月朔舉行先期預推境內士大夫齒德尊者爲賓次爲介爲衆賓肅啟延之屆期味爽執事者宰牲具饌布席主及僚屬司正先詣學遣使肅賓比至執事者報賓至主率僚屬出迎庠門外三揖三讓而後升堂再拜就位

賓位西
主位東

司正行揚觶禮執事者授酒司

三水縣志

卷之四

禮樂

二十六

正舉酒揚觶曰恭惟朝廷率由舊章敦崇禮教舉行鄉飲凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉里無或廢墜以忝所生讀畢司正飲酒畢復位乃唱讀律令執事者舉案引讀律令者至案前北面立賓僕以下皆拱聽聽畢各揖就位執事者舉饌案賓主交置酒於席畢各就位執事者唱獻酬獻酬畢交拜就位執事者以次酌酒飲酒供饌畢乃起執事唱徹饌主東賓西贊兩拜主送賓以次下堂分東西行三揖出庠門而退

按一邑雖小天子之所統也庶人之所依也日月之所照臨風雨霜露之所沾被也有司奉天子命而蒞斯土牧斯民非禮樂是循其何能國故有事于朝賀使人生忠愛之心焉有事于祭祀使人生尊敬之心焉無以讀法爲具文則勸戒之誠將家至而日見矣無以鄉飲循流弊則優崇之典咸觀感而奮興矣蓋禮樂之重也如此其可斯須去哉